

CEAIGHT A TRÍ: Rang 5-6

Nótaí don Mhúinteoir

SLEAMHNÁN 1

A Mhúinteoir, a chara,

Fearaimid fáilte romhat chuig an tríú ceann de cheithre ceacht do rang 5-6, atá ar fáil mar chuid de Dhuaisianna Chúnamh Éireann: An Domhan Seo Againne, 2022.*

Is é Cúnamh Éireann clár cúnaimh oifigiúil Rialtas na hÉireann le haghaidh forbairt thar lear. I gclár an Rialtais do chúnamh forbartha thar lear, díreann ar bhaint amach na Spriocanna Forbartha Inbhuanaithe de chuid na Náisiún Aontaithe, agus cuirtear béim ar leith ar an gcomhionannas inscne, ar an ngá le cabhair dhaonnúil a laghdú, ar thacú le gníomhaíochtaí ar son na haeráide, agus ar an rialachas a neartú ar fud an domhain go léir.

Cuireadh Duaisianna Chúnamh Éireann: An Domhan Seo Againne, ar bun in 2005 chun daltaí bunscoile a spreagadh le foghlaim faoin gcaoi a mbíonn Éire, trí chlár Chúnamh Éireann, ag obair ar na fadhbanna sin in éineacht le heagraíochtaí idirnáisiúnta (amhail na Náisiún Aontaithe agus an tAontas Eorpach), rialtais, eagraíochtaí neamhrialtasacha, agus pobail éagsúla.

Tá áthas an domhain orainn go bhfuil sé beartaithe agat páirt a ghlacadh sna Duaisianna i mbliana. B'fhéidir go bhfuil an iris do dhaltaí de chuid Dhuaisianna Chúnamh Éireann: An Domhan Seo Againne 2022 léite agat agus/nó go bhfuil ceachtanna 1-2 de Dhuaisianna Chúnamh Éireann: An Domhan Seo Againne déanta agat. Tá súil againn go mbainfidh an rang taitneamh as na gníomhaíochtaí agus na scéalta san iris agus sna ceachtanna, agus go spreagfar iad chun a saothar féin a chumadh agus a chur isteach lena fhoilsiú in ***Gníomhaithe Spriocanna Domhanda, an iris ar líne a bhíonn á scríobh ag leanaí do leanaí.***

SPRIOC DHÁTA D'IONTRÁLACHA LUATHA: Dé Luain, 7 Feabhra 2022

Beidh deis ag iontrálacha a fhaightear ó scoileanna faoin 7 Feabhra 2022 bosca d'ábhair ealaíne inbhuanaithe a bhuachan.

SPRIOC DHÁTA DEIRIDH: Dé hAoine, 8 Aibreán 2022

Tá sonraí breise le fáil ar www.ourworldirishaidawards.ie mar aon le faisnéis ar conas is féidir saothar le daltaí a chur isteach don iris ***Gníomhaithe Spriocanna Domhanda***

Tá gach ceacht deartha le haghaidh thart ar 45 nóiméad d'am teagmhála leis an rang. Tá nasc acu leis an gcuraclam (féach Sleamhnán 2) agus tá siad réidh le húsáid sa seomra ranga. Níl mórán ullmhúcháin le déanamh agat féin ar chor ar bith.

Níl le déanamh agat ach na nótaí don mhúinteoir a léamh (tá na nótaí le fáil ag bun gach sleamhnáin sa ghnáth-amharc) agus dul i dtaithe ar na beochaintí (leis an mód 'cur i láthair') roimh an rang. Ag brath ar an leagan de PowerPoint atá in úsáid agat, b'fhéidir go mbeifeá in ann féachaint ar na nótaí agus an cur i láthair ar siúl. Ná bí buartha mura bhfuil – is féidir pdf de na nótaí sleamhnáin a oscailt agus a phriontáil ar an láithreán gréasáin mar chabhair duit sa rang.

Aithnímid go bhfuil aithne mhaith agat, mar mhúinteoir, ar do chuid daltaí. Mar gheall air sin, is féidir an t-ábhar go léir ar na sleamhnáin a athrú le gur féidir leat athruithe a dhéanamh ar an gceacht lena chur in oiriúint do chomhthéacs agus do riachtanais na leanaí sa rang agat. B'fhéidir go

mbeadh sé úsáideach freisin na Treoirlínte maidir le Dea-chleachtas a léamh. Tá eolas ann ar an dea-chleachtas maidir le ceachtanna ar an mbochtaineacht agus ar chúrsaí forbartha a theagasc agus tá sé ar fáil ar an láithreán gréasáin freisin.

*Má tá comhghleacaithe leat ag teagasc i rang 3-4, is féidir leat a rá leo go bhfuil ceachtanna atá nasctha le curaclam rang 3-4 le fáil ar www.ourworldirishaidawards.ie

Bíonn ionadh an domhain orainn gach aon bhliain nuair a fheicimid cé chomh cruthaitheach agus nuálaíoch a bhíonn na daltaí agus na múinteoirí ar fud na tíre a ghlacann páirt sna Duaiseanna. Táimid ag súil go mór le bhur gcuid iarrachtaí a fheiceáil i mbliana ar an téama ‘Folláine do dhaoine agus don phláinéad’.

Ná déan dearmad bhur n-aistear Dhuaisanna Chúnamh Éireann: An Domhan Seo Againne, 2022, a chomhroinnt linn **@Irish_Aid** agus **@irishaidwards** ar **Twitter**, agus **@ourworldirishaidawards** ar **Facebook** leis an haischlib **#ourworldawards**.

Le gach dea-ghuí duit féin agus do na daltaí.

Foireann Dhuaisanna Chúnamh Éireann: An Domhan Seo Againne

SLEAMHNÁN 2

Naisc Churaclaim (nasc ar bith)

SLEAMHNÁN 3

Ábhar an cheachta (folamh)

SLEAMHNÁN 4: Spriocanna foghlama (3 bheochan i ndiaidh a chéile ag * Clíceáil)

Nóta maidir le hógairacht: Mar mhúinteoir, tá aithne mhaith agat ar do chuid daltaí. Tá lánchead agat athruithe a dhéanamh ar na spriocanna foghlama agus ar na gníomhaíochtaí sa cheacht seo lena gcur in oiriúint do chomhthéacs agus do riachtanais na leanaí sa rang agat.

Féach na Treoirlínte maidir le Dea-chleachtas. Tá eolas ann ar an dea-chleachtas maidir le ceachtanna ar an mbochtaineacht agus ar chúrsaí forbartha a theagasc, agus tá sé ar fáil sa roinn pleananna ceachta ar an láithreán gréasáin: www.ourworldirishaidawards.ie

Tá Ceacht a Trí bunaithe ar chás-staidéar den obair a fhaigheann tacaíocht ó Chúnamh Éireann i Siarra Leon, tír in iarthar na hAfraice.

Is cuid de Rialtas na hÉireann é Cúnamh Éireann. Bíonn Cúnamh Éireann ag obair le rialtais eile, grúpaí éagsúla (eagraíochtaí neamhrialtasacha nó carthanais), agus le pobail i dtíortha ar fud an domhain.

Ag brath ar an rang, d’fhéadfá a rá leis na daltaí go mbeidh saothair á gcur isteach acu ar Dhuaisanna Chúnamh Éireann: An Domhan Seo Againne. Is bealach atá i nDuaisanna Chúnamh Éireann: An Domhan Seo Againne do leanaí agus do dhaoine óga, cosúil leis na daltaí atá agat, eolas

a chur ar Chúnamh Éireann, eolas a chur ar na Spriocanna Domhanda, agus smaoiniamh ar bhealaí inar féidir leo a bheith ag obair ar son fholláine na ndaoine agus an phláinéid.

Iarr ar dhaltaí na trí sprioc foghlama le haghaidh Cheacht a Trí a léamh amach.

* **Clliceáil** chun na trí sprioc foghlama don cheacht seo a bheochan, ceann i ndiaidh a chéile

SLEAMHNÁN 5: Gníomhaíocht 1 / Sleamhnán 1 de 1 (Folláine) (Breathnú siar chun bogadh ar aghaidh) (gan bheochan)

Is é ‘Folláine do dhaoine agus don phláinéad’ téama Dhuaisianna Chúnamh Éireann: An Domhan Seo Againne, 2022.

Iarr ar na daltaí smaoiniamh ar a rannpháirtíocht i ngníomhaíochtaí Dhuaisianna Chúnamh Éireann: An Domhan Seo Againne go dtí seo, agus úsáid na ceisteanna seo a leanas chun iad a spreagadh:

- Céard iad Spriocanna Domhanda um Fhorbairt Inbhuanaithe na Náisiúin Aontaithe?
- Céard is Cúnamh Éireann ann?
- Cá mbíonn Cúnamh Éireann ag obair?
- Céard iad cuid de na bealaí ina mbíonn Cúnamh Éireann ag tacú leis an bhfolláine do dhaoine agus leis an bhfolláine don phláinéad?

Breac síos freagraí na ndaltaí ar an leabhar ar Shleamhnán 5.

[NB: Is gá an gnáth-amharc seachas an mód ‘cur i láthair’ a úsáid chun focail a chur sa bhosca téacs sa leabhar. Clliceáil ar ‘Cuir isteach aiseolas anseo’ agus cuir freagraí ó na daltaí in ionad an téacs atá ann cheana.]

SLEAMHNÁN 6: Gníomhaíocht 2 / Sleamhnán 1 de 2 (Tábhacht an oideachais) (gan bheochan)

Roinn na daltaí ina ngrúpaí, agus iarr orthu labhairt faoin bhfáth a bhfuil an t-oideachas tábhachtach.

Ag brath ar an rang, d’fhéadfá sainmhíniú ar an bhfocal ‘oideachas’ a mhúineadh roimh ré (teagasc agus foghlaim eolais, scileanna, luachanna agus dearcthaí le déanamh cinnte gur féidir leat barr do chumais a bhaint amach agus páirt a ghlacadh sa tsochaí agus cur leis an tsochaí).

Breac síos aiseolas ó dhaltaí sa bhosca téacs ar Shleamhnán 6.

[NB: Is gá an gnáth-amharc seachas an mód ‘cur i láthair’ a úsáid chun focail a chur sa bhosca téacs. Clliceáil ar ‘Cuir isteach aiseolas anseo’ agus cuir freagraí ó na daltaí in ionad an téacs atá ann cheana.]

Mar is eol daoibh, is é ‘Folláine do dhaoine agus don phláinéad’ téama Dhuaisianna Chúnamh Éireann: An Domhan Seo Againne, 2022. Mothaímid an fholláine (bímid go maith) nuair a mhothaímid sláintiúil agus sona agus nuair a bhíonn naisc dhearfacha againn le daoine agus le háiteanna, i bhfad is i gcéin.

Smaoinigh ar ról/thábhacht an oideachais le déanamh cinnte go bhfuil tú féin agus daoine eile go maith agus le déanamh cinnte go dtugaimid aire don phláinéad.

SLEAMHNÁN 7: Gníomhaíocht 2 / Sleamhnán 2 de 2 (Tábhacht an oideachais) (gan bheochan)

Léigh an sliocht ar Shleamhnán 7 amach os ard.

Oideoir agus smaointeoir cáiliúil ón mBrasaíl an ea Paulo Freire (1921-1997). Chreid sé go raibh sé de chumas ag an oideachas daoine a scaoileadh saor, le go bhféadfaidís a gcuid féin a dhéanamh chun an domhan a fheabhsú trína bheith cineálta (dóibh féin agus do dhaoine eile) agus trí aire a thabhairt don phláinéad.

Tá an sliocht spreagúil seo ag teacht le dearcadh go leor daoine ar domhan go bhfuil an t-oideachas rithábhachtach chun na Spriocanna Domhanda a bhaint amach.

Glac nóiméad agus smaoinigh ar a bhfuil á rá ag Paulo Freire agus ar an méid a d'fhoghlaim tú faoi thábhacht an oideachais.

Cén tuairim atá agat féin ar an dearcadh go bhfuil Sprioc Dhomhanda 4 (Oideachas ardchaighdeán) rithábhachtach chun na Spriocanna Domhanda a bhaint amach?

SLEAMHNÁN 8: Gníomhaíocht 3 / Sleamhnán 1 de 3 (Cás-staidéar ar COVID-19) (2 bheochan i ndiaidh a chéile ag * Clliceáil)

An féidir leat Éire a aimsiú ar an léarscáil den domhan?

*** Clliceáil** x 2 chun na saigheada go hÉirinn agus go Siarra Leon a bheochan

Tá Siarra Leon ar cheann de na tíortha ina mbíonn Cúnamh Éireann ag obair ar mhaithe le folláine daoine agus an phláinéid. Tá cáil ar Shiarra Leon mar an 'tseoid bheag' in iarthar na hAfraice mar is iomaí cultúr, reiligiún agus náisiúntacht éagsúil atá le fáil i measc na ndaoine a maireann ann.

Bíonn an scoilbhliain i Siarra Leon cosúil go maith leis an scoilbhliain in Éirinn. Sa dá thír:

- *maireann an scoilbhliain ó Mheán Fómhair go Meitheamh.*
- *bíonn saoire coicise ag daltaí i mí na Nollag agus saoire acu arís i mí an Mhárta nó i mí Aibreáin don Cháisc go hiondúil.*
- *bíonn briseadh lár téarma 2 lá ag na daltaí i ngach téarma (bíonn an briseadh lár téarma in Éirinn beagán níos faide).*

SLEAMHNÁN 9: Gníomhaíocht 3 / Sleamhnán 2 de 4 (Cás-staidéar ar COVID-19) (1 bheochan amháin ag * Clliceáil)

Tarraing leagan mór den léaráid Venn atá ag bun Shleamhnán 9 (ar chlé) agus taispeáin ar an gclár nó ar smeach-chairt é le gur féidir leis an rang go léir féachaint air.

Tá mé chun eolas a thabhairt daoibh ar scoileanna i Siarra Leon agus in Éirinn. Cabhróidh sibh liom an t-eolas a chloisfid ar Shiarra Leon a chur sa chiorcal ar chlé agus an t-eolas ar Éirinn a chur sa

chiorcal ar dheis. Aon eolas a bhaineann leis an dá thír, cuirfidh é sa spás sa lár ina bhfuil na ciorcail ag luí thar a chéile.

Tosaímis leis an eolas a bhaineann le Siarra Leon agus le hÉirinn araon.

- *tá an scoilbhliain in Éirinn agus i Siarra Leon an-chosúil (féach na nótaí don mhúinteoir ar Shleamhnán 8)*

Cén áit ar an léaráid Venn a gcuirfidh mé an t-eolas sin? (Freagra = an spás sa lár ina bhfuil an dá chiorcal ag luí thar a chéile).

Scríobh isteach ‘scoilbhliain’ sa spás i lár na léaráide Venn.

- *cuireadh isteach ar leanaí agus ar dhaoine óga i Siarra Leon agus in Éirinn araon (gach duine sa rang seo ina measc) nuair a dúnadh scoileanna mar thoradh ar COVID-19.*

Cén áit ar an léaráid Venn a gcuirfidh mé an t-eolas sin? (Freagra = an spás sa lár ina bhfuil an dá chiorcal ag luí thar a chéile).

Scríobh isteach ‘COVID-19 = scoileanna dúnta’ sa spás i lár na léaráide Venn.

Cén áit ar an léaráid Venn a gcuirfidh mé an t-eolas a bhaineann le hÉirinn amháin? (freagra = an ciorcal ar dheis).

- *B'éigean do scoileanna in Éirinn dúnadh ar feadh 24 seachtaine ar an iomlán mar thoradh ar COVID-19.*

Scríobh ‘dúnta 24 seachtaine’ sa chiorcal ar dheis ar an léaráid Venn.

Cén áit ar an léaráid Venn a gcuirfidh mé an t-eolas a bhaineann le Siarra Leon amháin? (freagra = an ciorcal ar chlé).

- *I Siarra Leon, bhí na scoileanna dúnta ar feadh 14 seachtaine ón 1 Aibreán 2020 go dtí an 5 Deireadh Fómhair 2020.*

Scríobh ‘dúnta 14 seachtaine’ sa chiorcal ar chlé ar an léaráid Venn.

* **Clliceáil** chun an bheochan a sheinm sa phearsa agus sa bholgán cainte

Iarr ar dhalta atá toilteanach an téacs sa bholgán cainte ar Shleamhnán 10 a léamh amach.

Chuir COVID-19 isteach ar oideachas leanaí agus daoine óga i ngach tír ar domhan, Éire agus Siarra Leon ina measc.

SLIAMHNÁN 10: Gníomhaíocht 3 / Sleamhnán 3 de 4 (Cás-staidéar ar COVID-19) (1 bheochan amháin ag * Clliceáil)

Nuair a dúnadh na scoileanna i Siarra Leon mar gheall ar COVID-19, thug Cúnamh Éireann cistiú (airgead) do Chiste na Náisiún Aontaithe ar mhaithe leis an bPobal (UNFPA) chun ceachtanna a dhéanamh agus craoladh ar an raidió iad ina dhiaidh sin. Chabhraigh Cúnamh Éireann le UNFPA agus le Women in Crisis Movement (eagraíocht neamhrialtasach nó carthanas áitiúil i Siarra Leon) chun 2,000 raidió a thabhairt do chailíní le déanamh cinnte go raibh siad in ann éisteacht leis na ceachtanna ar an raidió. Bean atá ag obair le Women in Crisis Movement agus ceann de na raidiúnna sin ina lámh aici atá sa ghrianghraf ar chlé.

Cé na focail is féidir liom a úsáid chun an t-eolas faoi thaithí na leanaí i Siarra Leon nuair a bhí na scoileanna dúnta mar gheall ar COVID-19 a ghiorrú le gur féidir an t-eolas sin a chur sa chiorcal do Shiarra Leon ar an léaráid Venn?

(Téacs molta: ‘Cúnamh Éireann’ + UNFPA + Women in Crisis Movement + ‘ceachtanna ar an raidió’ + ‘2,000 raidió do chailíní’)

- Céard nó cé a chabhraigh leat leanúint den fhoghlaim nuair a bhí scoileanna dúnta mar gheall ar COVID-19?

Scríobh achoimre ar fhreagraí na ndaltaí sa chiorcal ar thaobh na lámhe deise den léaráid Venn.

Nuair a osclaíodh scoileanna i Siarra Leon arís i mí Dheireadh Fómhair 2020, chabhraigh Cúnamh Éireann le UNFPA agus Women in Crisis Movement arís chun tacú le teaghlaigh nach raibh an t-airgead acu na leanaí a chur ar scoil arís. Tugadh trealamh do 1,000 cailín bunscoile agus meánscoile chun fillteadh ar an scoil. Éide scoile, mála droma, cúig leabhar scoile, fearas matamaitice, pinn luaidhe, pinn, agus fillteán plaisteach a tugadh dóibh. Cailíní in dhá scoil éagsúla i Siarra Leon atá sna grianghraif sa lár agus ar dheis, agus a dtrealamh acu chun fillteadh ar an scoil.

Cé na focail is féidir liom a úsáid chun an t-eolas faoina raibh ag teastáil ó leanaí i Siarra Leon nuair a osclaíodh na scoileanna arís tar éis a bheith dúnta mar gheall ar COVID-19 a ghiorrú le gur féidir an t-eolas sin a chur sa chiorcal do Shiarra Leon ar an léaráid Venn?

(Téacs molta: ‘ar ais ar scoil = éide scoile, málaí droma, fearas matamaitice, pinn/pinn luaidhe, fillteán’)

- Céard a bhíonn ag teastáil uait go hiondúil agus tú ag tosú ar ais ar an scoil tar éis sosa – tar éis do scoileanna a bheith dúnta mar gheall ar COVID-19 nó ag tús scoilbhliana nua?

Scríobh achoimre ar fhreagraí na ndaltaí sa chiorcal ar thaobh na lámhe deise den léaráid Venn.

Má bhíonn aon dúbailt ann idir an trealamh a luann na daltaí agus an trealamh atá i gchiorcal Shiarra Leon ar chlé, scríos amach na rudaí sin i gchiorcail na hÉireann/Shiarra Leon agus scríobh isteach iad sa spás ina bhfuil na ciorcail ag luí thar a chéile ar an léaráid Venn.

Cuir béim ar na cosúlachtaí idir taithí na leanaí i Siarra Leon agus in Éirinn roimh COVID-19 agus lena linn.

Grianghraif (ó chlé do deas): (1) ©Women in Crisis Movement; (2) agus (3) ©UNFPA Siarra Leon/2020/John Sesay

SLEAMHNÁN 11: Gníomhaíocht 3 / Sleamhnán 3 de 3 (Cás-staidéar ar COVID-19) (gan bheochan)

Agus tú ag breathnú ar an bhfíseán seo faoin gcaoi ar thacaigh Cúnamh Éireann le cailíní leanúint leis an bhfoghlaim i rith COVID-19, breac síos na Spriocanna Domhanda is féidir a nascadh lena bhfuil le feiceáil agus le cloisteáil agat.

Cliceáil ar an íomhá ar an Sleamhnán chun an físeán a sheinm (2.01 nóiméad).

Anois agus an físeán feicthe againn, críochnaigh an tús abairte seo a leanas agus roinn leis na daltaí eile é: Roghnaigh mé Sprioc Domhanda X mar...

SLEAMHNÁN 12: Gníomhaíocht 4 / Sleamhnán 1 de 1 (Gníomhaithe Spriocanna Domhanda) (4 bheochan i ndiaidh a chéile ag * Cliceáil)

Beimid páirteach i nDuaiseanna Chúnamh Éireann: An Domhan Seo Againne.

*** Cliceáil** chun beochan a sheinm i gceithre shampla éagsúla de na hiontrálacha ar na Duaiseanna in 2021

Léigh an téacs a ghabhann le gach iontráil agus luaigh an fhormáid (Scoil Náisiúnta na Ceathrún Báine = póstaer; Scoil Náisiúnta Dhrom Cloch = saothar ealaíne; Gaelscoil Chuainín = saothar ealaíne; Scoil Íde = beochan) agus an bhéim de na ceithre iontráil sin (Scoil Náisiúnta na Ceathrún Báine = tacaíocht Chúnamh Éireann le dídeanaithe in Uganda, bunaithe ar chás-staidéar 2021; Scoil Náisiúnta Dhrom Cloch = Comhpháirtíocht ar son na Spriocanna, téama na nDuaiseanna in 2021; Gaelscoil Chuainín agus Scoil Íde = na Spriocanna Domhanda um Fhorbairt Inbhuanaithe).

Is féidir saothar a chur isteach do na Duaiseanna i rogha leathan formáidí – is féidir linn saothar físe, fuaime, scríofa nó ilmheán a chur isteach. Mar sin, is féidir linn gearrscéalta, dánta, suirbhéanna, taibhíthe, pictiúir srl a chur isteach.

Beidh ár saothair bunaithe ar ‘Folláine do dhaoine agus don phláinéad’, téama na nDuaiseanna 2022, ar na Spriocanna Domhanda go ginearálta agus/nó ar obair Chúnamh Éireann i dtíortha éagsúla.

Rud iontach eile faoi na Duaiseanna ná gur féidir linn cibé am atá ag teastáil a ghlacadh chun ár saothar a chumadh, agus is féidir linn roinnt saothair éagsúla a chur isteach!

Bronnfar deimhniú rannpháirtíochta ar gach duine a chuireann saothar isteach.

*Foilseofar cuid de na hiontrálaithe i gceann de dhá eagrán de **Gníomhaithe Spriocanna Domhanda**, na hirísí ar líne a bhíonn á scríobh ag leanaí do leanaí, ar www.ourworldirishaidawards.ie.*

*Foilseofar na hiontrálacha is fearr ar fad in **Bliainiris Gníomhaithe Spriocanna Domhanda** i mí an Mheithimh 2022. Beidh an bhliainiris ar fáil ar líne agus mar iatán i nuachtán náisiúnta. Tabharfar cuireadh do na múinteoirí/daltaí sin freastal ar Shearmanas Náisiúnta Bronnta Duaiseanna i mí an Mheithimh 2022. Bronnfar cóip de Bliainiris Gníomhaithe Spriocanna Domhanda ar gach buaiteoir mar aon le plaic nó corn don scoil.*

Chun tacaíocht bhreise a fháil, féach Ceacht a Ceathair agus féach na saothair iontacha a foilsíodh in **Gníomhaithe Spriocanna Domhanda** anuraidh: <https://www.ourworldirishaidawards.ie/global-goals-archive/>

SPRIOCDHÁTA D'IONTRÁLACHA LUATHA: Dé Luain, 7 Feabhra 2022

Beidh deis ag iontrálacha a fhaightear ó scoileanna faoin 7 Feabhra 2022 bosca d'ábhair ealaíne inbhuanaithe a bhuachan.

SPRIOCDHÁTA DEIRIDH: Dé hAoine, 8 Aibreán 2022

Líon isteach Foirm Iontrála (tá an fhoirm le fáil sa phacáiste eolais do mhúinteoirí nó is féidir í a íoslódáil ónár láithreán gréasáin) agus seol isteach an saothar ar ríomhphost chuig ourworld@realnation.ie nó sa phost chuig:

Duaiseanna Chúnamh Éireann: An Domhan Seo Againne
Real Nation
24 Cé Áránn, Baile Átha Cliath 7
D07 W620

Tá faisnéis bhreise le fáil ar www.ourworldirishaidawards.ie

Is féidir ríomhphost a sheoladh chuig an oifig tionscadail nó glaoch orainn má bhíonn ceist ar bith agat faoi Dhuaisianna Chúnamh Éireann: An Domhan Seo Againne, nó faoi shaothair a chur isteach: **Ríomhphost:** ourworld@realnation.ie / **Fón:** 01 522 4834

Ba bhreá linn scéala a fháil uait ar conas atá ag éirí leat leis na hábhair churaclaim agus leis na saothair a bheidh á gcur isteach do na Duaiseanna. Is féidir bhur n-aistear Dhuaisianna Chúnamh Éireann: An Domhan Seo Againne, 2022, a chomhroinnt linn **@Irish_Aid** agus **@irishaidwards** ar **Twitter**, agus **@ourworldirishaidawards** ar **Facebook** leis an haischlib **#ourworldawards**

AN RAIBH A FHIOS AGAT?

Cuireann Ionad Chúnamh Éireann ceardlanna idirghníomhacha ar fáil do rang 5-6. Tugtar léargas ar obair Chúnamh Éireann sna ceardlanna sin agus ar an gcaoi a gcabhraíonn an obair sin le dul chun cinn na Spriocanna um Fhorbairt Inbhuanaithe.

Bíonn ceardlanna ar an láthair faoi réir comhairle maidir le sláinte phoiblí. Déan teagmháil linn chun áirithint a dhéanamh nó chun fiosrú a dhéanamh: IrishAidCentre@dfa.ie

Tá ceardlanna ar líne agus acmhainní breise le fáil ar <https://www.irishaid.ie/teaching-and-learning/primary/>

SLEAMHNÁN 13: (4 bheochan ag * Clíceáil – 3 cinn i ndiaidh a chéile ar an dara clíceáil)

Mínigh do na daltaí go mbeidh machnamh á dhéanamh acu ar an méid a d'fhoghlaim siad sa cheacht seo.

Abair leis na daltaí a shamhlú go bhfuil siad ag imirt cispheile. Faoi mar a léirítear ar an scáileán na rudaí go léir a d'fhoghlaim siad sa cheacht seo, ba cheart do na daltaí na rudaí seo a mhímeáil:

- An ciseán buaiteach a fháil sa chluiche – má tá siad sásta gur fhoghlaim siad na rudaí a bhí le foghlaim acu
- * **Cliceáil** chun beochan a sheinm den liathróid ag dul isteach sa chiseán lena bhfuil i gceist agat a léiriú
- An liathróid a dhruibleáil – má tá tacaíocht bhreise ón múinteoir nó ó dhaltaí eile ag teastáil le bheith ábalta a rá gur éirigh leo gach rud a fhoghlaim
- * **Cliceáil** chun beochan a sheinm do na 3 sprioc foghlama don cheacht seo, ceann ar cheann, agus léigh amach os ard iad nuair a thaispeántar iad.

Féach cé na daltaí a bhfuil tacaíocht bhreise ag teastáil uathu.

Tréaslaigh an rang as an obair iontach atá déanta acu, agus abair leo gur Gníomhaithe Spriocanna Domhanda den chéad scoth iad.

Ná déan dearmad féachaint ar www.ourworldirishaidawards.ie chun faisnéis a fháil ar shaothar na ndaltaí a fhoilsiú in eagrán de **Gníomhaithe Spriocanna Domhanda, iris ar líne a bhíonn á scríobh ag leanaí do leanaí**, in 2022.

SLEAMHNÁN 14: (I d'am féin: Póstaer spreagúil) (gan bheochan)

Dear póstaer spreagúil ar an bhfáth a bhfuil oideachas tábhachtach d'fholláine daoine agus an phláinéid.

- *cum sliocht suntasach (faoi mar a rinne Paulo Freire – Sleamhnán 7)*
- *úsáid íomhá nó cuir íomhá in oiriúint nó tarraing pictiúr atá ag teacht leis an sliocht*

Na daltaí a chruthaíonn póstaer spreagúil, spreag iad leis an bpóstaer a chur isteach ar na Duaiseanna. Ba bhreá linn na póstaer sin agus aon saothar eile a chruthaíonn siad a fheiceáil, agus d'fhéadfaí go bhfoilseofaí saothar leo in irisí **Gníomhaithe Spriocanna Domhanda, na hirísí a bhíonn á scríobh ag leanaí do leanaí** in 2022.

Féach na sonraí ar na hiontrálacha sna nótaí ar Shleamhnán 12. Tá faisnéis bhreise le fáil ar www.ourworldirishaidawards.ie
